

НЕДЕЛЯ ЧЕТВЕРТАЯ ПО ПАСХЕ.

Разслабленнаго.

НА ВЕЛИЦЕЙ ВЕЧЕРНИ.

На Господи возвах: поставим стихов 10. И поем стихиры воскресны 3, и восточны 4: и о разслабленном самогласны 2, повторяюще первую.

Стихиры воскресны, глас 3-й:

Твоим крестом, Христе Спасе, смерти держава разрушися, и диаволя прелесть упразднися: род же человеческий, верою спасаемый, песнь Тебе всегда приносит.

Просветишася всяческая Воскресением Твоим, Господи, и рай паки отверзся, вся же тварь восхваляющи Тя, песнь Тебе всегда приносит.

Славлю Отца и Сына силу, и Духа Святого пою власть, Нераздельное, Несозданное Божество, Троицу Единосущную, Царствующую во век века.

Ины стихиры, анатолиевы:

Кресту Твоему честному покланяемся, Христе, и Воскресение Твое поем и славим: Раною бо Твоею мы вси исцелехом.

Поем Спаса от Девы Воплощагося, нас бо ради распятыя и в третий день воскресе даруя нам велию милость.

Сущим во аде спешд Христос благовести: дерзайте, глаголя: ныне победих, аз есмь Воскресение, аз вы возведу, разрушив смертная врата.

Недостойно стояще в пречистом дому Твоем, вечернюю песнь возсылаем, из глубины взывающе, Христе Боже, просветивый мир тридневным воскресением Твоим, изми люди Твоя от руки врагов Твоих, Человеколюбче.

Ины стихиры, самогласны, о разслабленном. Глас 1-й:

Дланию Пречистою создавый человека, пришел еси Благоутробне недугующыя исцелити Христе, разслабленнаго во овчей купели, словом Твоим возставил еси: кровоточивой же болезнь исцелил еси: хананей отроковицу стужаемую помиловал еси, и прошения сотника не презрел еси. Сего ради зовем: Всесильне Господи, слава Тебе. [Дважды]

Непогребен мертвец сый, разслабленный видево Тя, возопи: помилуй мя Господи, яко одр мой гроб мне бысть. Что ми приобретение живота? Не требую овчия купели, не имам бо никого же влагающа мя, возмущающимся водам: но к Тебе Источнику прихожду исцелений, да и аз со всеми зову: Всесильне Господи, слава Тебе.

Слава, глас 5-й:

Взыде Иисус во Иерусалим на овчую купель, глаголемую иудейски Вифесда, пять притворов имущую: в тех бо слезаше множество немощствующих. Ангел бо Божий по вся лета сходя, возмущаше ю, и здравие подаваше приступающим верою. И видев Господь многовременна человека, глаголет к нему: хочещи ли здрав быти? Немощствуяй отвечааше: Господи, человека не имам, да егда возмутится вода, ввержет мя в купель: врачом издах все имяние мой, и милости уллучити не сподобихся. Но Врач душ и телес глаголет к нему: возми твой одр и ходи, проповедуя Мою силу, и велию милость в концех.

И ныне, Богородичен, глас 3-й:

Како не дивимся Богомужному Рождеству Твоему, Пречестная? Искушения бо мужескаго не приемши Всенепорочная, родила бо еси без Отца Сына плотию: прежде век от Отца рожденнаго без матере, никакоже претерпевшаго изменения, или смешения, или разделения: но обою существу свойство цело сохраняшаго. Темже Мати Дево Владычице, Того моли спастися душам, православно Богородицу исповедающих Тя.

Вход. Свете Тихий: Прокимен: Господь воцарися: со стихи его.

На литии стихира храма.

Слава, глас 5-й:

При овчей купели, человек лежаше в немощи, и видев Тя, Господи, вопияше: человека не имам, да егда возмутится вода, ввержет мя в ню. Егда же прихожду, ин предваряет мя, и приемлет исцеление: аз же немощствуяй лежу. И абие умилиосердився Спас, глаголет в нему: тебе ради человек бых, тебе ради в плоть облекохся, и глаголещи: человека не имам: возми одр твой и ходи. Вся Тебе возможна, вся послушают, вся повинуются: всех нас помяни, и помилуй Святыи, яко Человеколюбец.

И ныне, Богородичен, глас тойже:

Храм и Дверь еси, Палата и Престол Царев, Дево Всечестная: Еюже Избавитель мой, Христос Господь, во тме спящим явился, Солнце Сый правды, просветити хотя, яже созда по образу Своему рукою Своею. Темже Всепетая, яко Матерне дерзновение к Нему Стяжавшая, непрестанно моли спастися душам нашим.

На стиховне стихира воскресна, глас 3-й:

Страстию Твоею, Христе, омрачивый солнце, и светом Твоего Воскресения просветивый всяческая, прими нашу вечернюю песнь, Человеколюбче.

Таже стихиры Пасхи, глас 5-й:

Стих: Да воскреснет Бог и расточатся врази Его.

Пасха священная нам днесь показася: * Пасха нова святая: * Пасха таинственная: * Пасха всечестная: * Пасха Христос Избавитель: * Пасха непорочная: * Пасха великая: * Пасха верных: * Пасха, двери райския нам отверзающая: * Пасха, * всех освящающая верных.

Стих: Яко исчезает дым, да исчезнут.

Приидите от видения, * жены благовестницы, * и Сиону рцйте: * прими от нас радости благовещения * Воскресения Христова: * красуйся, ликуй * и радуйся, Иерусалиме, * Царя Христа узрев из гроба, * яко жениха происходяща.

Стих: Тако да погибнут грешницы от Лица Божия, а праведницы да возвеселятся.

Миросицы жены, * утру глубоку * предсташа гробу Живоавца, * обретоша Ангела * на камени седяща, * и той, провещав им, * сиче глаголаше: * что ищите Живаго с мертвыми? * Что плачете Нетленного во тли? * Шедше, * проповедите учеником Его.

Стих: Сей день, егоже сотвори Господь, возрадуемся и возвеселимся в онь.

Пасха красная, * Пасха, Господня Пасха! * Пасха всечестная нам возсия. * Пасха! * Радостию друг друга обьемем. * О Пасха! * Избавление скорби, * ибо из гроба днесь, * яко от чертога, * возсияв Христос, * жены радости исполни, глаголя: * проповедите апостолом.

Слава: глас 8-й:

В притворе Соломонове, тамо слезаше множество немощствующих, и преполовившуся празднику, обрете Христос тридесять осмь лет разслаблена лежаща, Владычним гласом глаголет к нему: хочещи ли здрав быти? Немощствуйай отвечааше: Господи, человека не имам, да егда возмутится вода, ввержет мя в купель. Он же глаголет к нему: возми одр твой и ходи: се здрав был еси, ктому не согрешай. Богородицы молитвами низпосли нам велию милость.

И ныне, глас 5-й:

Воскресения день, * и просветимся торжеством, * и друг друга обьемем. * Рцем: братие, * и ненавидящим нас * простим вся Воскресением * и тако возопиим: * Христос воскрес из мертвых, смертию смерть поправ и сущим во гробех живот даровав.

И прочее, яко предписася в мимосшедшую неделю.

Отпустительный тропарь, глас 3-й:

Да веселятся небесная, да радуются земная, яко сотвори державу мышцею Своею Господь: попра смертию смерть, Первенец мертвых бысть, из чрева адова избави нас, и подаде миру велию милость.

Слава, и ныне, Богородичен:

Тя ходатайствовавшую спасение рода нашего, воспеваем Богородице Дево: плотию бо от Тебе восприятою Сын Твой и Бог наш, крестом восприим страсть, избави нас от тли, яко Человеколюбец.

Аще же не будет бдения, на полунощнице поем канон Троицен во Октоихе, гласа 3-го. И Достойно есть: и прочее яко обычно. И отпуст.

В НЕДЕЛЮ ЧЕТВЕРТУЮ ПО ПАСЦЕ

НА УТРЕНИ

На Бог Господь: тропарь, глас 3-й:

Да веселятся небесная, да радуются земная, яко сотвори державу мышцею Своею Господь: попра смертию смерть, Первенец мертвых бысть, из чрева адова избави нас, и подаде миру велию милость. [Дважды.]

Слава, и ныне, Богородичен:

Тя ходатайствовавшую спасение рода нашего, воспеваем Богородице Дево: плотию бо от Тебе восприятоу Сын Твой и Бог наш, крестом восприим страсть, избави нас от тли, яко Человеколюбец.

По 1-м стихословии седален, глас 3-й:

Христос от мертвых воста, Начаток усопших, перворожден твари, и Содетель всех бывших, истлевшее естество рода нашего в Себе Самом обнови. Не кому смерти, обладаеши: ибо всех Владыка державу твою разруши.

Стих: Воскресни Господи Боже мой, да вознесется рука Твоя * не забуди убогих Твоих до конца.

Плотию смерти вкусивый Господи, горесть смерти пресекал еси востанием Твоим, и человека на ню укрепивый, первыя клятвы одоление призывая: Защитниче жизни нашея, Господи слава Тебе.

Слава, и ныне:

Красоте девства Твоего, и пресветлой чистоте Твоей, Гавриил удивився, вопияше Ти Богородице: кую Ти похвалу принесу достойную? Что же возименую Тя? Недоумеваю и ужасаюся. Темже, якоже повелен бых, вопию Ти: радуйся, Благодатная.

По втором стихословии седален, глас 3-й:

Подобен: Красоте девства:

Вся человеческая восприим, вся наша присвоив, на Кресте пригвоздился благоволил еси Творче мой, смерть претерпети яко человек, да человеческое от смерти избавиши яко Бог, темже яко Жизнодавцу вопием Ти: слава Христе благоутробию Твоему.

Стих: Исповемся Тебе Господи всем сердцем моим, * поведем вся чудеса Твоя.

Непостижимое распятия, и несказанное востания, богословствуем вернии таинство неизреченное: днесь бо смерть и ад пленися, род же человеческий в нетление облечеса. Тем благодаряще вопием Ти: слава Христе востанию Твоему.

Слава и ныне, Богородичен:

Небесная любовию веселяхуся, и земная трепетом ужасохуся, егда пречистый глас найде на Тя Богородице: едино бо торжество обоим возсия, егда первозданного от смерти избави. Тем со ангелом вопием Ти: радуйся Чистая Дево Мати.

По непорочнах, Благословен еси Господи:

Таже ипакон, глас 3-й:

Удивляяся видением, орошая глаголании, блистаяйся ангел мвроносицам глаголаше: что Живаго ищите во гробе? Воста Истощивый гробы: тли Премениителя разумеите Непременнаго. Рцыте Богу: коль страшна дела Твоя, яко род спасл еси человеческий.

Степенна, глас 3-й:

Антифон 1.

Плен Сионь Ты изьял еси от Вавилона: и мене от страстей к животу привлецы, Слове.

В юг сеюции слезами Божественными, жнут класы радостию присноживотия.

Слава: Святому Духу всякое благодарие, якоже Отцу и Сыну сооблищает, в Немже вся живут и движутся.

И ныне, тойже.

Антифон 2.

Аще не Господь созиждет дом добродетелей, всеу труждаемся: душу же покрывающую, никтоже наш разорит град.

Плода чревна Духом, сынотвореное Тебе Христу, якоже и Отцу, святини всегда суть.

Слава: Святым Духом прозрится всякая святыня, премудрость, осуществляет бо всякую тварь: Тому послужим, Бог бо, яко Отцу же и Слову.

И ныне, тойже.

Антифон 3.

Боящиися Господа блажени, в пути ходяще заповедей, снedyт бо животное всеплодие.

Окрест трапезы Твоя возвеселися, зря Твоя Пастыреначальниче исчадия носяща ветви благоделания.

Слава: Святым Духом всякое богатство славы, от негоже благодать, и живот всякой твари: со Отцем бо воспеваемъ есть и со Словом.

И ныне, тойже.

Таже прокимен, глас 3-й: Рцйте во языцех, яко Господь воцарися, ибо исправи вселенную, * яже не подвижится.

Стих: Воспойте Господеву песнь нову, воспойте Господеву вся земля.

Всякое дыхание:

Евангелие от Луки, 4, воскресное, зачало 112-е.

Во едину же от суббот зело рано приидоша на гроб, носяща яже уготоваша ароматы: и другия с ними: обретоша же камень отвален от гроба, и вшедшия не обретоша телесе Господа Иисуса. И бысть не домысляющимся им о сем, и се мужа два стаа пред ними в ризах блестящих. Пристрашным же бывшим им и поклоньшим лица на землю, рекоста к ним: что ищете живаго с мертвыми? несть zde, но воста: помяните, якоже глагола вам, еще сый в Галилеи, глаголя: яко подобает Сыну Человеческому предану быти в руце человек грешник, и пропята быти, и в третий день воскреснути. И помянуша глаголы Его: и возвращаяся от гроба, возвестиша вся сия единомунадесяте и всем прочым. Бяше же Магдалина Мария и Иоанна и Мария Иаковля, и прочыя с ними, яже глаголаху ко апостолом сия. И явишася пред ними яко лжа глаголы их, и не вероваху им. Петр же востав тече ко гробу, и приник виде ризы едины лежаща: и отиде, в себе дивяся бывшему.

Таже **Воскресение Христово:** [Грижды.]

По 50-м псалме, по обычаю.

Таже канон Пасхи, писан в неделю Пасхи, со ирмосы и Богородичными его, на 8: писаны в неделю святых муриносиц. И о расслабленном на 6.

Катавасия: **Воскресения день, оба лика вкупе.**

Канон Пасхи, глас 1-й:

Песнь 1.

Ирмос: Воскресения день, * просветимся, людие: * Пасха, Господня Пасха! * От смерти бо к жизни * и от земли к небеси * Христос Бог нас преведе, * победную поюция.

Припев: **Христос воскрес из мертвых.**

Очистим чувства * и узрим неприступным светом Воскресения * Христа блистающася, * и радуйтеся рекуща, * ясно да услышим, * победную ноюще.

Небеса убо достойно да веселятся, * земля же да радуется, * да празднует же мир, * видимый же весь и невидимый: * Христос бо воста, веселие вечное.

Иный канон Богородичен, подобен. Егоже краестрочие на первых тропарех:
Феофанус. Глас тойже.

Умерщвления предел сломила еси, вечную жизнь рождающая Христа, из гроба возсиявшего днесь, Дево Всенепорочная, и мир просветившего.

Воскресшаго видевши Сына Твоего и Бога, радуйся со апостолы Богоблагодатная Чистая: и еже радуйся первее, яко всех радости вина, восприяла еси, Богомати Всенепорочная.

Ин. о расслабленном, глас 3-й:

Ирмос: Дивно, славно, творяй чудеса, Ты еси Бог, бездну оземленивый, и колесницы потопивый, и люди спасый поющыя Тебе, яко Царю нашему и Богу.

Действуяй знамения, творяй чудеса Единыи Царю, распятие волею претерпел еси, яко Щедр, и смерть смертию умертвив, оживотворил еси нас.

Во Христове востании людие днесь ликуим верно, пленен бысть ад, юзники яже содержаше, отдаде со тщанием, поющыя величия Божия.

Силою Божественною, иногда расслабленнаго словом Твоим Христе стягнувый, и повелевый ему одр взяти, многим временем немощствующую люте душу мою исцели.

В купель иногда овчюю ангел схождаше, и единаго исцелеваше на всякое лето: крещением же Божественным ныне очищает безчисленная множества Христос.

Архангелу Михаилу: Начальниче ангелов, архистратиге вышних служителей, собравшыися в честном храме твоём, и Бога воспевающыя, покрывай и сохраняй от всяких искушений.

Слава, Троицен: **В** триех Лицех, едином же Естестве Безначальнаго Бога поим непрестанно со безплотными, Отца, Слова и Духа, Царство и Державу имуща нераздельную.

И ныне, Богородичен: **Ч**тущий сей Чистая град Твой всегда верно, спасай от бед, пленения варварскаго, междуусобных брани, и меча, и всякаго иного прещения.

Катавасия: Воскресения день ...,

Песнь 3.

Ирмос: Приидите, пиво пием новое, * не от камени неплодна чудодеемое, * но нетления источник, * из гроба одождивша Христа, * в Немже утверждаемся.

Ныне вся исполнишася света, * небо же и земля, и преисподняя: * да празднует убо вся тварь * востание Христово, * в немже утверждается.

Вчера спогребохся Тебе, Христе, * совостаю днесь воскресшу Тебе, * сраспинахся Тебе вчера. * Сам мя спрослави, Спасе, * во Царствии Твоём.

Богородичен:

На нетленную жизнь прихожду днесь благостию Рождшагося из Тебе Чистая, и всем концем свет облиставшаго.

Бога Егоже родила еси плотию, из мертвых, якоже рече, воставша видевши Чистая, ликуй, и Сего яко Бога Пречистая возвеличай.

Ин.

Ирмос: **Неплодна** душе и **безчадная**, **стяжи плод благославный**, **веселящийся возопий:** утвердихся **Тобою Боже**, **несть свят**, **несть праведен**, **паче Тебе Господи.**

Зря Тебе иногда солнце на древе висяща Слове, свет скры, и трясапешя земля вся, мертвии востапша, мертву бывшу Тебе Всесильне.

С душею пришедшу Тебе во утробу земли, души яже стяжа ад, издаваше со тщанием, вопиющия державе Твоей песнь благодарную, Едине Господи.

В летех многих немощствующую люте душу мою Преблагий исцели, якоже расслабленнаго прежде, яко да последую Твоим стезям, яже показал еси любящим Тя.

Архангелу Михаилу: **С** вышними чинми Божий архангеле, мольбу сотвори о верою поющих тя, соблюдая и храня нас, житейскими страстьми нападаемых.

Слава, Троицен: **Слава** Отцу возопиим, **Сыну**, и **Духу**, **Един** бо есть естеством Бог, Егоже силы вся Небесныя со страхом славят, **Свят**, **Свят**, **Свят** еси зовуще.

И ныне, Богородичен: **Безсеменное** имела еси зачатие, и паче ума **Рождество**, **Дево Мати Чистая:** дело страшное, чудо превелие, ангелы почитаемое и человеки славимое, **Отроковице Владычице.**

Катавасия: **Приидите, пиво пием новое ...,**

Таже кондак Пасхи, глас 8-й:

Аще и во гроб снизшел еси, **Безсмертне**, * но адову разрушил еси силу и воскресл еси, яко победитель, **Христе Боже**, * женам мирносицам вещавый: **радуйтесь**, * и Твоим апостолом мир даруйй, **падшим** подайй **воскресение.**

Икос: **Еже** прежде солнца **Солнце** зашедшее иногда во гроб, **предвариша** ко утру, ищущия яко дне мирносицы девы, и друга ко друзей вопияху: о другини, **приидите**, **вонями** помажем **Тело** живоносное и погребенное, **плоть** **Воскресившаго** **падшаго** **Адама**, лежащую во гробе. **Идем**, **потщимся**, якоже **волсви**, и **поклонимся**, и **принесем** **мира** яко дары, не в пеленах, но в плащанице **обвитому**, и **плачим**, и **возопиим:** о **Владыко**, **востани**, **падшим** **подайй** **воскресение.**

И седален, глас 3-й:

Глагол **расслабленнаго** токмо **стягну**, яко **Всемирное** Слово **Едино**, нас ради на земли **Явльшагося** за **благоутробие**. **Темже** и **одр** **нося** **мимохождаше**, **аще** и **книжницы** **зрети** **содеянное** не **терпяху**, **злобы** **содержими** **завистию**, души **расслабляюще.**

Слава, и ныне, Богородичен:

Красоте девства Твоего, и пресветлой чистоте Твоей, Гавриил удивился, вопияше Ти Богородице: кую Ти похвалу принесу достойную? Что же возименую Тя? Недоумеваю и ужасаюся. Темже, якоже повелен бых, вопию Ти: радуйся, Благодатная.

Песнь 4.

Ирмос: На Божественней стражи * богоглаголивый Аввакум * да станет с нами и покажет * светоносна Ангела, * ясно глаголюща: * днесь спасение миру, * яко воскресе Христос, * яко Всесилен.

Мужеский убо пол, * яко разверзый девственную утробу, * явился Христос: * яко человек же, * Агнец наречеса: * непорочен же, * яко невкусен скверны, * наша Пасха, * и яко Бог истинен * совершен речеса.

Яко единолетний агнец, * благословенный нам венец Христос, * волею за всех заклан бысть, * Пасха очистительная, * и паки из гроба красное * правды нам возсия Солнце.

Богоотец убо Давид, * пред санным ковчегом * скакаше играя, * людие же Божии святии, * образов событие зряще, * веселимся Божественне, * яко воскресе Христос, * яко Всесилен.

Богородичен тойже:

Создавый Адама Твоего праотца Чистая, зиждется от Тебе, и смертное жилище разори Своєю смертию днесь, и озари вся Божественными блистаньями Воскресения.

Егоже родила еси Христа, прекрасно из мертвых возсиявша Чистая зрящи, добрая и Непорочная в женах и красная, днесь во спасение всех, со апостолами радующися Того прославляй.

Ин.

Ирмос: Приосененную гору, Аввакум прозряше Пречистую Твою утробу Чистая. Тем зываше: от юга придет Бог, и Святыи от горы приосененныя чаши.

Еврейский собор завистию растаяваемъ, на древе распят Тя, Господи: и разорив осуждение смерти, яко Силен востал еси, мир с Собою совоздвигнув.

С мурны жены, что неистошное муро ищете? Востал еси, муриносицам рече, седяи в белых ризах, поднебесную исполнив мысленнаго благоухания.

Рабий нося образ, за многое благоутробие ходяи пришел еси, и здрава показал еси, во многих летех лежащаго, Слове, повелев и одр взяти.

Ангел убо Господень, на всякое лето сходяя, воду в купели возмущаше, совершая здрава единого точино: Христос же множество безчисленное Божественным крещением спасает.

Архангелу Михаилу: Начальниче ангелов и наставниче заблуждающих, Господень начальный Воеводо, в час сей посреде нас прииди, и молитвы всех принеси Единому Творцу и Владыце.

Слава, Троицен: Соединяемая Естеством, и разделяемая лица, есть Святая Троица, Отец Пресущный, Соприсносущный же Сын, и Святый и Единый Всесильный Дух.

И ныне, Богородичен: Чистая, како доиши? Како же родила еси Младенца, Адама Древнейшаго? Како на руку носиши Сына, Сущаго на раму херувимску, яко знает, якоже вестъ, вся Осуществовавый.

Катавасия: На Божественней стражи ...,

Песнь 5.

Ирмос: Утренюем утреннюю глубокую * и вместо мира песнь принесем Владыце, * и Христа узрим правды Солнце, * всем жизнь возсияющая.

Безмерное Твое благоутробие, * адовыми узами содержимии зряще, * к свету идяшу, Христе, * веселыми ногами, * Пасху хваляще вечную.

Приступим, священоснии, * исходящу Христу из гроба, яко жениху, * и спразднуем любопразднственными чинми * Пасху Божию спасительную.

Богородичен:

Просвещается Божественными лучами и живоносными Воскресения Сына Твоего, Богомати Пречистая, и радости исполняется благочестивых собрание.

Не разверзла еси врата девства в воплощении, гроба не разрушил еси печатей Царю создания: отонудуже воскресшаго Тя зрящи Мати, радовашеся.

Ин.

Ирмос: Светом Твоим невечерним Христе, озари Боже смиренную мою душу, и настави на страх Твой, зане свет повеления Твоя.

Вознесыйся на древе крестнем, и совознесый мир весь, и быв в мертвых Боже, от века мертвыя воздвизаеши.

Воскресе якоже рече Христос, истощивый вся адова царствия, и является апостолом, радость подавая вечную.

Белообразен виден бысть женам блистаяйся ангел: не кому плачите, Жизнь ваша воста, сущия во гробех мертвыя Оживившая.

Разслабленнаго яко воздвигл еси Христе, ослабленную мою душу преступленьми оздрави, и шествовати мне Твоя правыя стези споспешествуй.

Архангелу Михаилу: Ангелов наставниче Михаиле, собирающыся в храме твоём люди днесь, и проповедающыя Божия величия спасай.

Слава, Троицен: Равночестная Трчисленная Единице, разделяемая убо верно Ипостасьми, соединяемая же Естеством есть, Отец, Сын и Божественный Дух.

И ныне, Богородичен: Безсеменное Рождество Твое Чистая, непостижимое поем Рождение, блажаще Тя яко Матерь Творца всех и Владыки.

Катавасия: Утренюем утреннюю глубокоу ...,

Песнь 6.

Ирмос: Снизшел еси в преисподняя земли * и сокрушил еси верей вечныя, * содержащая связанныя, Христе, * и тридневен, яко от кита Иона, * воскресл еси от гроба.

Сохранив цела знамения, Христе, * воскресл еси от гроба, * ключи Девы не вредивый в рождестве Твоем, * и отверзл еси нам райския двери.

Спасе мой, * живое же и нежертвенное зачатие, * яко Бог Сам Себе * волею привел Отцу, * совоскресил еси всероднаго Адама, * воскрес от гроба.

Богородичен:

Возведеса древле держимое смертию и тлением, воплотившимся от Твоего пречистаго чрева, к нетленной, и присносущней жизни, Богородице Дево.

Сниде в преисподняя земли, в ложесна Твоя Чистая спедый, и вселивыйся и воплотивыйся паче ума, и воздвиже с Собою Адама, воскрес от гроба.

Ин.

Ирмос: Глубина страстей воста на мя, и буря противных ветров, но предварив мя Ты спаси, Спасе, и избави от тли, яко спасл еси от зверя пророка.

Вознесыйся волею на древо, положился еси яко мертв во гробе, и сущия во аде мертвыя вся вкупе оживив Христе, воскресил еси Божественною силою.

Ад срет Тя Щедре доле огорчися, связанныя отдавая со тщанием, Твое страшное поющия Спасе Воскресение, во гласех немолчных.

Божествении ученицы, видевши Жезнь всех из гроба воставша Христа, любовию мноюю, и нравом правым, и веселием душевным покланяхуся.

Древле на одре болезненном, в летех мнозех слезай, Твоим Христе повелением исцелев, славит воспевая благоутробие Твое, Жизнодателю.

Архангелу Михаилу: Ангелов наставниче Михаиле, предстояй престолу Владычню, прииди посреде нас, наставляя к стезям жизни, тебе предстателя тепла стяжавших.

Слава, Троицен: Троицу лица чту, единицу же существом проповедаю, Безначальне Отче, Сыне, Душе Правый: Боже всех, с Вышними страшными воинствы.

И ныне, Богородичен: Вся Божественным мановением носяй, держимь есть Богородице Дево во объятиях Твоих, всех нас восхищая, от руки работы лукаваго, яко Щедр.

Катавасия: Снизшел еси в преисподняя земли ...,

Кондак, глас 3-й:

Душу мою Господи, во гресех всяческих, и безместными деяньми расслаблену, воздвигни Божественным Твоим предстательством, якоже и расслабленнаго воздвигл еси древле, да зову Ти спасаемь: Щедрый, слава Христе державе Твоей.

Икос: Руки Твоя горстию содержай концы Иисусе Боже, Отцу Собезначальный, и Духу Святому совладычествуй всеми, плотию явился еси, недуги исцеляя, и страсти отгнал еси: слепцы просветил еси, и расслабленнаго словом Божественным ты возставил еси, сему напрасно ходити повелев, и сего носивший одр на раму взяти. Темже вси с ним воспеваем и возопиим: Щедрый, слава Христе, державе Твоей.

Песнь 7.

Ирмос: Отроки от печи избавивый, * быв Человек, * страждет яко смертен, * и страстию смертное * в нетления облачит благолепие, * Един благословен * отец Бог и препрославлен.

Жены с миры богомудрыя * в след Тебе течаху: * Егоже, яко мертва, со слезами искаху, * поклонишася радующияся Живому Богу, * и Пасху тайную * Твоим, Христе, * учеником благовестиша.

Смерти празднуем умерщвление, * адово разрушение, * иного жития, вечнаго, начало, * и играюще поем Виновнаго, * Единого благословеннаго * отец Бога * и препрославленнаго.

Яко воистинну священная * и всепразднственная сия спасительная ночь, * и светозарная, * светоноснаго дне, * востания сущи провозвестница: * в нейже безлетный Свет * из гроба плотски всем возсия.

Богородичен:

Умртив Сын Твой смерть, Всенепорочная днесь, всем смертным пребывающий живот во веки веков дарова, един благословенный отец Бог и препрославленный.

Всем царствуяй созданием, быв Человек, вселися в Твою Богоблагодатная утробу, и распятие претерпев и смерть, воскрес Боголепно, совозставив нас яко всемогущ.

Ин.

Ирмос: Пламень оросивый пещный, и отроки неопалимы спасый, благословен еси во веки, Господи Боже отец наших.

Простерта Тя на древе яко зряше, свет скры солнце, не могущее мірови светити, Тебе волею зашедшу Всецарю, на просвещение всех языков.

Воскресл еси истощивый гробы, и пленивый ад силою всеильною: темже поем честное Твое Христе и Божественное Востание.

Яко мертва что Живаго ищите? Воста, несть во гробе, муриносицам вопияше древле блистаяся зраком Божественный ангел.

Слежаща в летех мнозех расслабленного словом исцеливый, вопиял еси: возми одр твой и ходи, поя величия Божия.

Архангелу Михаилу: Михаиле начальный воеводо Господень, верно в Божественном твоём храме собирающихся, во хваление Божие наставляй, покрывай от всяких зол ходатайством твоим.

Слава, Троицен: О Троице, верою поющыя Тя, яко Бога всех и Владыку, от всяких бед спасай, и Твоих благ причастники сотвори.

И ныне, Богородичен: Девствуеша рождши паче слова, прежде всех век Рождагоса от Безначальна Отца Нетленного: сего ради Чистая, Тебе ублажаем.

Катавасия: Отроки от печи избавивый ...,

Песнь 8.

Ирмос: Сей нареченный и святой день, * Един суббот Царь и Господь, * праздников праздник * и торжество есть торжеств: * воньже благословим Христа во веки.

Приидите, новаго винограда рождения, * божественнаго веселия, * в нарочитом дни Воскресения * Царствия Христова приобщимся, * поюще Его * яко Бога во веки.

Возведи окрест очи твои, Сионе, и виждь: * се бо приидоша к тебе, * яко богосветлая светила, * от запада и севера, и моря, * и востока чада твоя, * в тебе благословящия Христа во веки.

Отче Вседержителю, и Слове, и Душе, * трети соединяемое во Ипостасех Естество, * Пресущественне и Пребожественне, * в Тя крестихомся и Тя благословим во вся веки.

Богородичен

Прииде Тобою в мир Господь Дево Богородице, и чрево адово расторг, смертным нам воскресение дарова: темже благословим Его во веки.

Всю низложив смерти державу Сын Твой Дево, Своим Воскресением, яко Бог крепкий совознесе нас и обожил: темже воспевает Его во веки.

Ин.

Ирмос: Ангельми немолчно в вышних славимаго Бога, небеса небес, земля и горы, и холми, и глубина, и весь род человеческий, песньми Того, яко Создателя и Избавителя благословите и превозносите во вся веки.

Завеса раздрася распеншуся Тебе Спасе наш, и отдаваше мертвья, яже пожре смерть: и ад обнажися, Тебе зря в преисподних земли бывша.

Где твое жало есть, смерти? Где твоя аде, ныне победа? Воскресшу Царю, умертвился еси и погибл, не ктому царствуещи: Крепкий бо взят яже имел еси связанныя.

Тещьте скоро, возвестите апостолом Воскресение, муриносицам явлейся юноша вещаше: воскресе Владыка и с ним иже от века мертвии преславно.

Леты многими слежай разслабленный взываше: помилуй мя, Избавителю, недоумением содержима. Сей же повелевает ему взяти тщательно одр, и право ступати.

Архангелу: Яко невестественных предводитель архистратиже сил, с нами проси нам прегрешений избавление, исправление же жития, и тамошних наслаждение благ вечных.

Благословим Отца, и Сына, и Святаго Духа, Господа.

Несозданное, непресекомое Существо, Триипостасное Божество, Отца Безначальна Бога, и Сына, и Духа Святаго воспоим согласно, серафимскую зовущу страшную песнь.

И ныне, Богородичен: Свиток Тя зряше Исаиа Приснодево, в немже перстом Отчим, Слово Безлетное написася, от всякаго безсловесия спасающее нас, словесы Тя священными воспевающих.

Хвалим, благословим, покланяемся Господеви:

Катавасия: Сей нареченный и святой день ...

Честнейшую не стихословится:

Песнь 9.

Ирмос: Светися, светися, новый Иерусалиме: слава бо Господня на тебе возсия, ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

О Божественнаго, о любезнаго, * о сладчайшаго Твоего гласа! * С нами бо неложно * обещался еси быти * до скончания века, Христе: * Егоже, вернии, * утверждение надежды имуще, радуемся.

О Пасха велия и священнейшая, Христе! * О мудросте и Слове Божий, и сило! * Подавай нам истее Тебе причащатися * в невечернем дни Царствия Твоего.

Богородичен:

Согласно Дево, Тебе блажим вернии: радуйся двере Господня: радуйся граде одушевленный: радуйся, Еяже ради нам ныне возсия свет, из Тебе Рожденного из мертвых Воскресения.

Веселися и радуйся божественная двере Света: зашедый бо Иисус во гроб возсия, просияв солнца светлее, и верныя вся озарив, Богорадованная Владычице.

Ин.

Ирмос: На Синайстей горе виде Тя в купине Моисей, неопально огонь Божества заченшую во чреве: Даниил же Тя виде, гору несекому: жезл прозябший, Исаиа взываше, от корене Давидова.

Иисусе на древе возвышаемь, совознесл еси нас, и положився волею во гробе, из гробов мертвыя воскресил еси вся, поющыя державу Твою непостижимую, и силу Твою непобедимую.

Краснейший от гроба возсиял еси, яко Жених от чертога, краснейший Слове, и разрушил еси ада мрачное, и юзники извел еси, согласно зовущыя: слава славе Твоей, слава Иисусе Боже, востанию Твоему.

Воздыхания же и слезы носяща, с муры во тцании всесвятый гроб достигоша жены, и Христову учими бяху верою славному Востанию, еже празднуем в радости душевней веселящися.

Последоваше здравие тела, повелению Твоему Христе, и видимь баше прежде разслабленный, текий со тцанием, и одр носяй, на немже возлежаше леты многими, песнословя многую Твою силу.

Архангелу Михаилу: Просвещение нам испроси, Великий Архистратиге, присно Свету Великому предстояй, и умири нашу жизнь, напастьми всегда змиевыми и обстояньми жития зыблемую присно, достохвальне.

Слава: Свет и Светове, Жизнь же и Жизни, славлю Тя всеблагочестно, Отче, Слове и Душе Святыи, Триипостасная Единице, Неразделимая Державо, Божество Неслитное, Свят, Свят, Свят, вопия с вышними силами.

И ныне: От светоносных пройде ложесн Твоих Великое Солнце Христос, и мир просвети Пречистая, осияньми светлыми, и тму отъят преступления: темже поем Тя яко вину всех добрых, Богоневесто.

Катавасия: Светися, светися

Таже, Свят Господь Бог наш: [трижды] на глас 3-й:

Екзапостилларий, Пасхи. Самогласен:

Плотию уснув, * яко мертв. * Царю и Господи, * тридневен воскресл еси, * Адама воздвиг от тли * и упразднил смерть: * Пасха нетления, * мира спасение. [Единожды]

Слава, Другий.

Подобен: Жены услышите:

Предста Человеколюбец и Всецедрый Господь овчей купели, еже исцелити недуги: обрете же человека слежаща многими леты, и к нему возопи: возми одр и иди на пути правыя.

И ныне, тойже.

На хвалитех, поставим стихов 8.

И поем стихиры воскресны 4, глас 3-й:

Стих: Сотворити в них суд написан: слава сия будет всем преподобным Его.

Приидите вси языцы, уразумеите страшныя тайны силу: Христос бо Спас наш, еже в начале Слово, Распятся нас ради, и волею погребесе, и воскресе из мертвых, еже спасти всяческая: Тому поклонимся.

Стих: Хвалите Бога во святых Его, хвалите Его во утверждении силы Его.

Поведаша вся чудеса стражие Твои, Господи: но собор суеты, исполни мздою десницу их, скрыти мняше погребение Твое, еже мир славит, помилуй нас.

Стих: Хвалите Его на силах Его, хвалите Его по множеству величества Его.

Радости вся исполнишася, Воскресения искус приимша: Мария бо Магдалина ко гробу прииде, обрете ангела на камени сидяща, ризами блистающася и глаголюща: что ищете Живаго с мертвыми? несть zde, но воста, якоже рече, предваря вы в Галилеи.

Стих: Хвалите Его во гласе трубнем: хвалите Его во псалтири и гуслех.

Во свете Твоем, Владыко, узрим свет, Человеколюбче: воскресл бо еси из мертвых, спасение роду человеческому даруяй, да Тя вся тварь славословит, Единого Безгрешного, помилуй нас.

И восточны 4, глас тойже.

Стих: Хвалите Его в тимпане и лице, хвалите Его во струнах и органе.

Песнь утреннюю мвроносицы жены со слезами приношаху Тебе Господи: благоухания бо ароматы имуща, гроба Твоего достигоша, Пречистое Тело Твое помазати тщася. Ангел седяй на камени тем благовести: что ищете Живаго с мертвыми? Смерть бо поправый, воскресе яко Бог, подай всем велию милость.

Стих: Хвалите Его в кимвалех доброгласных:

Блистаяйся ангел на гробе Твоем животворном, мвроносицам глаголаше: истощивый гробы Избавитель плени ада, и воскресе тридневен, яко един Бог и Всесилен.

Стих: Воскресни Господи Боже мой, да вознесется рука Твоя:

Во гробе Тя искаше, пришедши во едину от суббот, Мариа Магдалина, не обретши же рыдаше, с плачем вопиющи: увы мне Спасе мой, украден был еси всех Царю! Супруг же живоносных ангел внутрь гроба вопияше: что плачеша, о жено? Плачу, глаголет, яко взяша Господа моего от гроба, и не вем, где положиша Его. Сия же обратившиися вспять, яко виде Тя, абие возопи: Господь мой и Бог мой, слава Тебе.

Стих: Исповемся Тебе Господи всем сердцем моим:

Евреи затвориша во гробе Живот, разбойник же отверзе языком наслаждение, зовый и глаголя: со мною мене ради Распныйся, сообесися ми на древе, и явился мне, на Престоле со Отцем седа: Той бо есть Христос Бог наш, Имеяй велию милость.

Слава, глас 8-й:

Господи, разслабленнаго не купель исцели, но Твое слово обнови, и ниже многолетний запят ему недуг: яко гласа Твоего скорейшее действие показася, и неудобноносимую тяжесть отверже, и бремя одра понесе, во свидетельство множества щедрот Твоих, слава Тебе.

И ныне: Препоблагословена еси:

Славословие великое.

Тропарь воскресен, ектении и отпуст, и исхождение в притвор.

Слава и ныне, стихира евангельская, глас 3:

Магдалине Марии, Спасово благовествующей из мертвых Воскресение и явление, не верующе же ученицы, поносими быша о жестосердии: но знаменми вооружившися и чудесы, ко проповеданию посылахуся. И Ты убо Господи, к Начальному Свету вознесся еси Отцу: они же проповедаша всюду слово, чудесы уверяюще. Темже просветившися теми, славим Твое еже из мертвых Воскресение, Человеколюбче Господи.

И поучение Студитово. И конечный отпуст. Час 1. На часех тропарь воскресен. По Трисвятом кондак Троици: Душу мою Господи:

НА ЛИТУРГИИ

Блаженна гласа, глас 3-й, на 4, и от канона песнь 6, на 4.

Отвергшаго Христе заповедь Твою, праотца Адама из рая изгнал еси: разбойника же Щедре, исповедавши Тя на Кресте, вонь вселил еси, зовуща: помяни мя Спасе, во Царствии Твоем.

Воскрес из мертвых, совоскресил еси нас от страстей Воскресением Твоим Господи: смертную же всю силу погубил еси Спасе. Сего ради верую Ти зовем: помяни и нас во Царствии Твоем.

Тридневным Твоим погребением, яже во аде умерщвленныя, яко Бог оживотворивый совоздвигл еси, и неление всем яко Благ источил еси нам, верую зовущим всегда: помяни и нас во Царствии Твоем.

Согрешших нас смертною осудил еси клятвою, Жизнодавче и Господи: Телом же Твоим безгрешне Владыко пострадав, смертныя оживил еси, зовущыя: помяни и нас во Царствии Твоем.

Вознесыйся волею на древо, положился еси яко мертв во гробе, и сущыя во аде мертвыя вся вкупе оживив Христе, воскресил еси Божественною силою.

Ад срет Тя Щедре доле огорчися, связанныя отдавая со тцанием, Твое страшное поющыя Спасе Воскресение, во гласех немолчных.

Слава, Троицу лица чту, единицу же существом проповедаю, Безначальне Отче, Сыне, Душе Правый: Боже всех, с Вышними страшными воинсты.

И ныне, Богородичен: **В**ся Божественным мановением носяй, держимь есть Богородице Дево во объятиях Твоих, всех нас восхищая, от руки работы лукаваго, яко Щедр.

По входе тропарь воскресен, глас 3-й:

Да веселятся небесная, да радуются земная, яко сотвори державу мышцею Своею Господь: попра смертию смерть, Первенец мертвых бысть, из чрева адова избави нас, и подаде миру велию милость.

Слава: конлак триоди, глас 3-й:

Душу мою Господи, во гресех всяческих, и безместными деяньми разслаблену, воздвигни Божественным Твоим предстательством, якоже и разслабленнаго воздвигл еси древле, да зову Ти спасаемь: Щедрый, слава Христе державе Твоей.

И ныне: Пасхи, глас 8-й:

Аще и во гроб снизшел еси, Безсмертне, * но адову разрушил еси силу и воскресл еси, яко победитель, Христе Боже, * женам мироносицам вещавый: радуйтесь, * и Твоим апостолом мир даруй, падшим подай воскресение.

[Храма же Христова, и Богородицы, и святых тропаря и кондака не глаголем.]

Прокимен, глас 1: Буди Господи милость Твоя на нас, * якоже уповахом на Тя.

Стих: Радуйтесь праведнии о Господе: правым подобает похвала.

Апостол деяний, зачало 23-е

(за? к7г) Во дни оны, бысть Петру, посещающу всех, снити и ко святым живущим в Лидде: Обрете же тамо человека некоего, именем Енея, от осми лет лежаща на одре, иже бе разслаблен. И рече ему Петр: Енее, исцеляет тя Иисус Христос, востани с постели твоя. И абие воста: И видеша его вси живущии в Лидде и во Ассароне, иже обратишася ко Господу. Во Иоппии же бе некая ученица, именем Тавифа, яже сказаема глаголется, серна: сия бяше исполнена благих дел и милостынь, яже творяше. Бысть же во дни тья, болевшей ей умрети: омывше же ю, положиша в горнице. Близ же сущей Лидде Иоппии, ученицы слышавше, яко Петр есть в ней, послаша два мужа к нему, моляще его не обленитися приити до них. Востав же Петр иде с нима, егоже пришедша возведоша в горницу, и предсташа ему вся вдовицы плачуща, и показующа ризы и одежды, елика творяше, с ними сущи, Серна. Изгнав же вон вся Петр, преклонь колена помолися, и обращься к телу, рече: Тавифо, востани. Она же отверзе очи свои, и видевши Петра, седе. Подав же ей руку, воздвиже ю, и призвав святыя и вдовицы, постави ю живу. Уведано же бысть се по всей Иоппии, и мнози вероваша в Господа.

Аллилуиа, глас 5: Милости Твоя Господи, во век воспую.

Стих: Зане рекл еси: в век милость созиждется.

Евангелие Иоанна, зачало 14-е

(за? д7i) Во время оно, взыде Иисус во Иерусалим. Есть же во Иерусалимех на Овчей купели, яже глаголется еврейски Вифесда, пять притвор имущи. В тех слежаше множество болящих, слепых, хромых, сухих, чающих движения воды. Ангел бо Господень на всяко лето схождаше в купель, и возмущаше воду: и иже первее влазаше по возмущении воды, здрав бываше, яцем же недугом одержимь бываше. Бе же ту некий человек, тридесять и осмь лет имый в недузе своем. Сего виде Иисус лежаща, и разумев, яко многа лета уже имяше в недузе, глагола ему: хочещи ли цел быти? Отвеща Ему недужный: ей, Господи, человека не имам, да егда возмутится вода, ввержет мя в купель: егда же прихожду аз, ин прежде мене слазит. Глагола ему Иисус: востани, возми одр твой, и ходи. И абие здрав бысть человек, и взял одр свой, и хождаше. Бе же суббота в той день. Глаголаху же жидове изцелевшему: суббота есть, и не достоин ти взяти одра твоего. Он же

отвеща им: Иже мя сотвори цела, Той мне рече: возми одр твой и ходи. Вопросыша же его: кто есть Человек рекий ти: возми одр твой и ходи? Изцелевый же не ведяше, кто есть: Иисус бо уклонься, народу сущу на месте. Потом же обрете его Иисус в церкви, и рече ему: се здрав бысть, ктому не согрешай, да не горше ти что будет. Иде же человек, и поведи иудеом, яко Иисус есть, Иже мя сотвори цела.

Вместо же Достояно, поем:

Ирмос: Ангел вопияше Благодатней: Чистая Дево радуйся, и паки реку, радуйся: Твой Сын воскрес тридневен от гроба, и мертвыя воздвигнувый: людие веселитесь. Светися, светися, новый Иерусалиме: слава бо Господня на тебе возсия, ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Причастный: Тело Христово примите:

Другий: Хвалите Господа с небес:

[ЗРИ] Подобаает ведати, яко возследование разслабленнаго поется в неделю, в понедельник: во вторник же отдается.